

青松侯寶垣小學

大型活動：「點做至好？」

個案一

內容：購買冒牌貨或崇尚名牌產品

淑儀...淑儀...嗱呢枝 Betty 筆就係我之前同你講好想買個枝囉，係唔係好靚呢，枝筆嘅頂部仲有 Betty 的印章，但係實在太貴喇，我唔捨得買呀。

淑儀： 嘩，好靚呀！要幾多錢呀？

小敏： \$50 蚊。

淑儀： 咁又真係幾貴嗎！咦...小敏你睇真啲個價錢牌吖，呢嘢賣\$15 蚊咋，平好多！

小敏： 真係好抵嗎！

淑儀： 嘩，你睇吓呢隻小豬公仔幾得意！賣\$25 蚊咋，好平呀！

小敏： 係嗎，真係好平呀！但係...你睇吓公仔個對眼，一隻眼大一隻眼細，而且仲係高低眼添。

淑儀： 咦...枝筆都係嗎，個 Betty 公仔印得唔係咁好，有啲朦朧地。

小敏： 我記得上次我喺另一間舖頭見到個枝筆靚好多！仲有個鐳射標籤。咦...呢枝筆冇嘅？會唔會係冒牌貨呢？

淑儀： 等我睇吓先...隻麥兜公仔都有標籤呀，應該係冒牌貨！不過，無所謂啦，我家姐最近都買了一條冒牌牛仔褲啦，穿起來不知幾有型！

小敏： 但係會唔會侵犯版權呢？

淑儀： 要買名牌嘅正貨一定貴。如果問阿爸阿媽要錢，佢哋實唔肯俾喇！總之平就得啦，又唔係淨係得我哋買，大把入買冒牌貨啦。嗱，我就會買呢隻小豬公仔嘞，至多揀隻靚啲囉！我知你好鍾意枝筆嘅，唔使諗啦，買啦，等我幫你揀埋啦！嗱...你睇吓我揀嘅公仔同埋枝筆，簡直係同正牌貨冇乜分別呀！

小敏： 咦...又好似係嗎，咁...買唔買好呢？

**問題：** 假如你是小敏，你會否跟隨淑儀選購冒牌貨品？

情景一：小敏會跟隨淑儀選購冒牌貨品

小敏： 唔...呢枝筆雖然係冒牌貨，但係都幾靚呀又抵嗎，我決定買啦！

淑儀： 好開心呀，大家都買倒自己嘅心頭好。不如我哋俾錢囉！

小敏： 好呀！咦...你睇...點解咁多人嘅？

海關人員甲：我哋係香港海關，依家懷疑呢間店舖出售冒牌貨品，要封舖進行搜查。

海關人員乙：小朋友，你哋同我過嚟。

小敏及淑儀：死勒，我哋係唔係俾人拉呀？

海關人員乙：你哋知唔知購買冒牌貨品係唔啱，貨品的商標是一種知識產權，我哋需要保護，而保護知識產權即是保護人的創意，讓他們盡情發揮創意之餘，亦讓他們的辛勤工作得到回報。試諗吓，如果你係創作者見到自己嘅創作俾人抄襲，你會有乜感受呢？

小敏及淑儀：我哋會好唔開心囉！

海關人員乙：咁你哋會唔會再買冒牌貨呀？

小敏及淑儀：我哋唔會喇！

情景二：小敏**不會**跟隨淑儀選購冒牌貨品

小敏：都係唔好買啦，我記得隔離位成日買冒牌貨嘅建業呢，佢枝筆買唔夠兩日就壞咗喇！

淑儀：咁又係，寧願花多少少錢買正牌貨，因為我哋唔可以俾啲不法商人抄襲別人的創作而從中獲利。

小敏：係呀，我哋需要保護知識產權，而保護知識產權即是保護人的創意，讓他們盡情發揮創意之餘，亦讓他們的辛勤工作得到回報。試諗吓，如果你係創作者見到自己嘅作品俾人抄襲，你會有乜感受呢？

淑儀：唔...小敏，你講得好啱呀，我支持你，所以我都唔買冒牌貨喇！